

zu der Buz/ Vnd in jr Kranckheit zeigen an/ Auff das sie lust zum
Arzte han.

Wer sein Seuch vnd Gebrechen erkent/ Der selb zum Arzte bald
leufft vnd rent/ Wer aber meint/ im sey gar wol/ Weiß nicht/ wor-
zu der Doctor sol.

Der Brechten halb bin ich nicht hie/ Mein Lehr vnd Ampt
berachten sie/ Mit Frewd allein annemen mich/ Die für Sünder
erkennen sich.

Hilff vns HErr Christ / Marien Kind / Das wir erkennen
vnsrer Sünd/ Vnd werden jr von Herzen gram/ Vnd nemen dich
zum Heiland an.

Ein anders in gleichem Thon.

D Gott du höchster Gnaden Hort / Verley das vns deine
Göttlich Wort/ Von Ohren so zu Herzen dring/ Das es
sein Krafft vnd schein verbring.

Der einig Glaub ist diese Krafft/ Der steiff an Jesu Christ
behafft/ Die Werck der Lieb sind dieser Schein / Dardurch wir
Christi Zünger sein.

Verschaff bey vns auch lieber HErr / Das wir durch deinen
Geist je mehr/ In dem Erkenntnis nemen zu / Vnd endlich bey dir
finden ruh.

Auff das Fest Michaelis / von den
heiligen Engeln.